

KEV MUAJ CAI RAU COV NEEG UA HAUJ LWM

NTAWM TXOJ CAI THEM NQI KOM NCAJ NCEES RAU KEV UA HAUJ LWM

THE UNITED STATES DEPARTMENT OF LABOR WAGE AND HOUR DIVISION

TUS NQI RAU COV NEEG UA HAUJ LWM TSAWG KAWG

\$5.85
RAU
IB XUAJ
MOOS

\$6.55
RAU
IB XUAJ
MOOS

\$7.25
RAU
IB XUAJ
MOOS

Pib 7 Hli Tim 24, Xyoo 2007

Pib 7 Hli Tim 24, Xyoo 2008

Pib 7 Hli Tim 24, Xyoo 2009

TUS NQI THEM TSHAJ

KEV TXAIS ME NYUAM YAUS UA HAUJ LWM

Them tsawg kawg yog ib thiab ib nrab npaug ntawm tus nqi rau cov sij hawm tshaj 40 xuaj moos rau ib lim piam.

Tus me nyuam yuav tsum muaj hnub nyoog 16 xyoo thiaj ua tau ntau hom hauj lwm uas tsis yog ua teb thiab yuav tsum yog 18 xyoo thiaj ua tau txhua yam hauj lwm.

Cov me nyuam 14 thiab 15 xyoos tsuas yog ua tau cov hauj lwm uas yuav tsis raug mob tsis muaj teeb meem xws li:

Tsis pub ua ntau tshaj li

- 3 xuaj moos rau ib hnub los sis 18 xuaj moos rau ib lim piam thaum lub caij kawm ntawv;
- 8 xuaj moos rau ib hnub los sis 40 xuaj moos rau ib lim piam thaum phav ntawv.

Tsis pub pib ua hauj lwm ua ntej 7 teev sawv ntxov lossis ua dhau 7 teev tsaus ntuj. Tsuas yog txij lub 6 hli tim 1 mus txog rau hnub Labor Day thiaj pub ua hauj lwm mus txog 9 teev tsaus ntuj. Kev cai txais me nyuam ua teb yuav txawv dua li tau hais los saum no. Yog xav paub ntxiv, mus saib cov kev cai txais me nyuam ua hauj lwm rau ntawm www.youthrules.dol.gov.

KEV TAU TXAIS NYIAJ PUB DAWB

Cov lag luam uas siv nyiaj pub dawb los them ib nrab nqi ua hauj lwm rau cov neeg ua hauj lwm yuav tsum tau them ntxiv tsis pub tsawg tshaj li \$2.13 rau ib xuaj moos. Yog tias sau ua ke tas nrho cov nyiaj pub dawb thiab tus nqi zog \$2.13 rau ib xuaj moos es tsis txog tus nqi kom them tsawg kawg raws li txoj cai, cov lag luam yuav tsum tau them ntxiv kom raws li kev cai.

KEV TSWJ FWM TXOJ CAI

The Department of Labor muaj cai los khoo cov lag luam kom them tej nqi ua hauj lwm uas lawv tsis them raws txoj cai los sis muaj cai coj mus foob rau hauv tsev hais plaub ntug kom them rau cov neeg ua hauj lwm. Cov Lag luam ua txhaum txoj cai tej zaum yuav raug nplua los sis raug txim kaw nkuaj.

Nqi nplua yuav txog li \$11,000 rau ib qho kev txhaum txoj cai txais me nyuam ua hauj lwm thiab yuav mus txog \$1,100 rau kev txhaum uas cov lag luam yeej tab meeg yuam txoj cai tsis them nqi ua hauj lwm raws kev cai. Txoj cai kuj tsis pub cov lag luam ntxub saib tsis taus cov neeg ua hauj lwm los sis ncaws lawv tawm vim lawv tau mus tawm suab foob los sis koom kev foob txog kev tsis ncajes ntawm txoj cai.

KEV XAV PAUB NTXIV

- Nqe kev cai them nqi ua hauj lwm tsawg kawg thiab them tshaj rau cov sij hawm tshaj yuav tsis raug rau qee txoj hauj lwm thiab qee lub lag luam.
- Muaj nqe kev cai tswj xeeb yuav pab cov neeg ua hauj lwm nyob rau American Samoa and the Commonwealth of the Northern Mariana Islands.
- Qho lub xeeb yuav muaj kev cai tiv thaiv neeg ua hauj lwm zoo dua; cov lag luam yuav tsum tau ua raws li ob txoj cai ntawm lub xeeb thiab tsoom fwv qib siab.
- Txoj cai khoo kom cov lag luam yuav tsum tau muab daim ntawv no rhais los sis lo rau ib qhov chaw kom cov neeg ua hauj lwm pom.
- Cov neeg ua hauj lwm tsis tau muaj hnub nyoog 20 xyoo muaj feem yuav tau txais nqi ua hauj lwm tsawg dua xws li \$4.25 rau ib xuaj moos thaum lawv pib txoj ua hauj lwm mus txog rau 90 hnub.
- Cov me nyuam kawm ntawv, me nyuam kawm hauj lwm, cov xyaum hauj lwm, thiab cov neeg xiam oob qhab kuj yuav tau txais nyiaj ua hauj lwm tsawg dua li tus nqi tsawg tshaj yog tias cov lag luam tau ntaub ntawv tso cai los ntawm Department of Labor.

Yog xav paub ntxiv:



1-866-4-USWAGE

(1-866-487-9243)

TTY: 1-877-889-5627



U.S. Wage and Hour Division

WWW.WAGEHOUR.DOL.GOV